

極多之諭誠以八年之間熙然而春郁乎其天樂國
多士之風還舊觀矣已亥春例上計行臺惟怯苛猛
公不忍甫息之民橫被侵暴遂乃道巴峽抵忠渝哀
鳴相府中有以彌綸之也雖獲所請竟以憂勞致疾
東歸以是年十月廿日卒于甯縣之斜坡里春秋六
十有三越十一月葬于汲縣王尚村之西原送喪者
餘萬人攀號祖奠凝慕不已其貴官名士若濶濶左
丞姚司農張左轄參卿王仲禮宣撫張子敬耆德孫
元輔段季昌咸遠道而致祭衛人思之如戴父母明
年相與起祠宇立遺像植豐碑壽遺愛歲時香火之
奉其嚴如生公姿明良安雅德量無涯涘風鑒表表
口不出臧否飾吏以儒外處中弼慈祥豈弟喜愠不

形于色務明大體悃悃無華持論深長操守匪石其
待人御物純以至誠感發人心諄諄訓導若嚴師慈
父有銘骨不能忘者初京城厥圍友人某以罪逮捕
抵公為舍匿之竟以獲免焉制徒單雲甫肥遯鄰邑
聞公之典衛也幡然來歸為治堂黌極賓禮選子弟
之開敏者從而師之自是郡之文風尤為熳興又曹
取齋通甫由趙來依疽發背自病至終公暨拯殯送
曲盡友義北渡後元遺山號稱一代士林之宗愛慕
高義乃有今而後寒士知所歸之嘆每自公退食盤
饌稍盛必撤去之曰無暴殄天物及宴樂賓客供具
豐腴盡於殷厚曰儉于人則不可也餘暇則閱書史接
文士晚年尤喜作詩歌詠風流不知老之將至至雄

章傑句間見層出兼善尺牘行書嘗謂下客王惲曰
吾少業儒以時艱固卒所志然胸中緒餘之氣勃勃
然日新矣其好學又如此愛其子擇師而教之因訓
之曰我不願若富貴能儒素起家做廬鍾粥生養死
葬足矣故於諸生獎藉作為尤至所交皆天下豪
傑其推賢讓能而升諸公者如中山楊西庵盧龍盧
叔賢河南鄭子周陽夏董端卿皆一時材大夫也公
之歿丞相墓祭而哭之曰昔公勤勞我家三十餘年
事無巨細咸仰決焉豈其天奪之速而至於斯俾予
斃斃然在疚至有失明折肱之喻哀號之聲感動左
右其為賢主人所惜如此不可謂不遇也不可謂不
達也故論者評公之惠愛類鄭子產忠貞類漢王常

智周事悉類蘇令綽權望雅

事 之其樂於為善之心又如飢渴之于飲食
也苟推而行之天下其功烈豈止是哉夫人姓陳氏
齊 安人生子男一人諱復少負鑒裁 於間毋通
達政體用丞相 廷薦宣授衛輝路同總管事其
綸章諭之曰故叅議王顯之才行相輔政怨中行俾
治衛輝民安事辦今子復良有父風以繼述之事考
之誠無愧負矣孫二人曰雪山曰鐵山女孫一人曰
幼安嗚呼公生平事業智名勇功囊括無迹恐蕪類
之辭不足發越盛德之萬一敢以區區聞見播在輿
頌之實者勉為具述託立言君子而圖其不朽焉中
統三年秋九月廿有九日門下王某謹狀

太一二代度師贈嗣教重明真人蕭公行狀

師諱道熙字光遠本姓韓氏其先汴州人五代祖銀青榮祿大夫璿自唐季來隸于衛曾祖奕山舉茂材祖渤進士第父矩隱德不仕度師其仲子也師為人英偉眉目疎秀豐下美鬚髯三歲識字六歲能書棲心教法儼然注蕭門二葉之望金正隆間始祖一悟真人以神道設教上動人主所在翕然從風韓氏舉族清修師母閻尤極信心深入法海既孕苦病父請禱于真人真人曰汝韓氏素植善根當產異人且昭陽報然將來必佐吾法門可服吾丹書以安胎息久之母感異夢既寤師生果稟奇相克閻之氣肅如也

總免懷留養道宮受度為道士復先訓也再命而受清虛大德之號大定六年冬十有一月真人羽化於萬壽夫室師線經哀感如喪考妣於是相宅兆其葬儀及殯整整有法綱而不紊觀者咸嗟異之時師甫滿十祀耳既寔師乃陳寶錄法物具香火陞堂以二代嗣事諭衆有門弟子芋道省劉道固等思有以大厭衆心稽首求頌且問師它生云何賢聖師即走筆批曰明月清風大德傾訝愚人未識切切詢吾為誰只是從來太一衆遂誓服歸心焉九年朝廷歆其行異勅立萬壽額碑於本觀是後聲教大振門徒增盛東漸于海矣初真人謂靈章寶錄率天神持護遺命起臺中央上為壇屋鐵作戶牖庶幾神靈游居有以

安安之師乃擴充尊訓尊光圖籙締構層閣制極壯麗揭以靈章寶蘊之名歲時醮祭為衆生進階之地復建朝元觀為祖師墳原道場仍植豐碑表襟景行不數寒暑內外修治輪奐中度師直以德教感化曾聲色不動門人于來如趨父事十一年時師殆十有四臘門人鉅鹿李悟真者造請何為仙道師曰做仙佛不難只依一弱字便是耳曰弱者道之用也悟真既授旨辭還師曰可速還汝當遷矣明年李不疾而逝殯七日形色如生及壙舉棺蔑如開視之從中一白錫飛去餘衣衾而已衆始悟師旨當遷者即仙也其慧悟如此一日師曳杖逍遙謂左右曰吾旦夕欲馳四方可趨治行裝已而世宗詔求海內名僧宗主

天長觀事師遂幡然應詔不閱月戶外之屨滿矣師密削疏聚精以備儲乏既而秋旱京師物涌貴提點陳公者請行化畿內師曰君休矣吾已辦之或者疑焉不數日陸輦川舟空集于門下衆服其幾沉物先德博而化時大定十四年也明年春辭還鄉里后四年復往趙之太清觀適境內大旱衆禱雨于師曰今蘊氣隆鍾願垂慈請命上帝師曰若等宜先竭誠徧走群祠弗應當以吾法行之越三日不雨師乃書飛雷林旱符一道張淨几上復呪法水數石令州將已下人酌水沃符畢雨即來矣行未竟雷電雨且尺歲賴以熟迄今趙人能道其事共二年興陵夢師冠履上謁寤思之遂徵至內殿問以攝生之道對曰嗟噫精

氣以清虛自守此野人之事今朝廷清明
陛下當允執中道恭己無為而已聖躬為之興及
還寵錫甚渥廿六年秋師忽思棲真巖整因密謂蕭
道宗曰吾門衆萬數試經具戒者完顏志寧王志冲
而已然志冲特純精廉潔可屬後事遂設大醮告禰
廟昇之傳代秘籙曰君太一第三祖也及銘所付法
具云有德輔德天孰可欺慎之敬之永保教基居無
何棄几席謝去或問安所之曰吾將遍禮名山與心
君作天遊耳遂去後不知所終師半儀瀟爽德宇冲
粹博學善文辭動輒數百言樂與四方賢士大夫游談
玄論道造極精妙書畫矯矯有魏晉間風格嘗自題
畫像云來自無中來去復空中去來去總一般要識其

間路其明達又如此生平好賑施養老卹孤近百人
人以錙五千月給為率死乃已貧者喪不能舉衣被
棺槨為俱具之至於持行法籙捕逐鬼物風聲肅肅
除治戶庭間殆古之能吏然精一之誠貫達幽顯降
度之功洋溢一世矣師之玄孫某以貞常溫裕為五
代人天之師服膺先訓追遠盛德心藏不忘越乙卯
春具大招之禮葬衣冠于祖塋之側今
皇帝登極之三祀光崇玄化貞常師以祖德範圍請
謚于朝追贈嗣教重明真人噫道家者流其術固以
多矣而太一之法輔行世教有不可勝言者其鴻靈
幽秘變化叵測通徹神明之功幾于上下天地把握
陰陽者矣然苟非其人道不虛行一傳而至推廣悉

備若真一人弘行博大繼志述事之善者也翰林修撰兼國史編修官王惲狀

故金吾衛上將軍景州節度使賈公行狀

曾祖鑑

祖璋

父政

公諱德字克仁姓賈氏景州蓀縣從教鄉劉卿里人其系緒見學官王鼎所撰衍慶碑賈氏前宋時出行管都團練使用威府君之後曾祖鑑志操高潔耻襲蔭不仕家素饒財以周急賑乏為事祖璋性勤儉專事農務故貨益雄鄉里父政事親孝處昆弟間無間言宗族以純至稱生二子長曰贊早卒次即公資秀穎在垂髫時舉止如成人禮既冠慷慨有遠志樂施

予不屑屑拘小節嘗與鄉人處事談辯雄偉無出其右衆屬目異焉曰興賈門者必此子也自是事有疑率質成于公貞祐初燕不能都德陵南幸汴群盜蜂起河朔在冀部滋甚頃洶囂混充煽所灼里陌為蕭條公慨嘆攏首曰大丈夫生世不能除暴蕪亂建勳名于時擬取富貴戴履兩間寧無愧怍群俠少壯其言恃其勇往往依附為用州將材公為且知衆素所推服自白衣署公為故城縣丞專徵巡事於是設方畧窮根株破機牙擒捕招諭不數月寇難盪平尋國兵入中夏太師國王營屯彌亘原野聲勢火烈震掀河岳元州將某舉城降無幾宋將李益都全乘隙西畧甲戌歲州遂為全所得盡質官屬妻子以東太師

聞變赫怒擁盛兵為屠城之舉公白于州將曰反復
際明以力不支故至此况天道人事嚮背皦然詎能
以智計免哉不早為所禡將噬臍願躬詣軍門請命
遂間行至深州帳下太師察公忠誠慰諭殊渥許其
請闔城賴以全活太師承

制拜公定遠大將軍賜金符提控本州兵馬事丙戌
歲太師帶孫郡王南畧晉衛明年復東徇魏齊皆從
以行其破上黨馬武大名濟南及信安水柵與三齊
勁兵闕穆陵歷山下俱獲大功英威騰奕冠諸將列
益為太師郡王所知遷鎮國上將軍節度副使兼右
副元帥仍改佩金虎符時江陵齊東寧晉與益都界
火牙相入賊李蠻奴竄至簿者引海寇不時侵軼為

百姓患公連戰破之東歸遂安陞授金吾衛上將軍
景州節度使歲丙申以滄縣城東光阜城吳橋故城
隸焉歲丙申 六太子復命以分地所入江陵齊東
寧晉八城俾公總治其事公為人恬退每物盛為戒
丁未歲年五十有二即致政閒居日課家僮輩躬
事澤車款段優游田野間人不知為故侯宿將也至
元十一年甲戌秋七月廿八日以疾終于劉鄉里私
第之正寢享年八十有三公臨政剛明有斷僚友間
容辭謙讓急於持吏惠以養民卒之畏而愛威而不
猛循循然有古良吏風初州將以南離搶攘人心轉
側頗任刑立威所犯有事重而情輕者有情連而力
嚇者公為折理營救多所昭雪以從輕議又同列馬

侯子趙君妻男幼女彈壓宋其氏者被擄香靡營幙
間公傾橐資購而良之其輕財重義類多此生平喪
祭為尤重嘗謂宗屬曰兵荒來上數世殞淺土德又
早失怙恃其于大葬之禮非竭力盡心固極之恩何
祈圖報遂大治塋域表叙昭穆封植林丘而安而厝
禮莫不備復樹豐碑紀世德以見夫祖宗陰積所致
之厚一郡有光焉性喜修潔裘馬鮮整自少若素宦
然稍涉書傳善左右騎射矢不虛發時犇無與之比
公八秩時往燕從教別墅二魏起田間飛鞚回射獲
焉其精力老不少衰蓋如此夫人高氏蘇氏魏氏劉
氏魏氏以賢配稱夫人梁氏施氏張氏馮氏王氏李
氏亦俱有淑行如夫人者三人楊氏張氏趙氏子男

一十八人曰茂宣授金虎符昭勇大將軍左翼侍衛
親軍都指揮使行淮東左副都元帥府事謨勇忠謹
以良將稱善射蓋家法云曰著前宣差景州管民長
官曰莘未仕曰芳樺車弩千戶曰蔚未仕曰英宣差
滄州節度同知性方直有從政才曰仲溫前景州課
稅所長官廉能有幹局曰毅前河間路諸軍與魯總
管曰萍前征行千戶曰倍曰蕙未仕曰玉前征行千
戶曰芝未仕曰蒿前景州勸農提領曰彬曰仲信曰
進曰璧俱未仕女一人嫡夫人高氏所出適侍衛親
軍千戶張琬男孫四十九人茂之子乃滿天宣授金牌
侍衛親軍千戶重孫一十人兄贊子一人曰榮前景
州與魯千戶榮之子三人重孫二人嗚呼盛哉十四

年丁丑春元帥嗣侯茂隆弟仲溫介叅謀趙君禹卿
提點李練師子玄來謁予曰先都帥祔葬墓木已拱
此年
國朝方平一江左不肯忝居戎右用是其表見神道
者未即樹立以慰下泉霜露之愴不遑寧處今將託
立言君子圖其不朽焉敢再拜以事狀為囑遂勉為
次第之

故蠡州管匠提領史府君行狀

府君諱忠字良臣姓史氏蠡州博野縣孟家里人曾
大父暨祖世在博野俱以伯仲稱父諱成繼業耕稼
善因地利自高祖以降昆弟宣多至府君凡五世同
居藹然以孝義渢一鄉君兒時日序錢鏐為戲及長

姿純厚與人交不妄言謹身節用致桑土滋植然慷
慨有顧慮料事多合情得宜里人推其識直凡所疑
滯必諮焉而後行貞祐初
國兵入中夏蠡被圍太守鐵哥嬰城自固民慄慄崩
角莫知所屬歎鳥獸散公約衆合謀曰金駕而南委
河朔去州又自顧不暇事勢至此吾輩將安所托正
有畏天順時得全性命為計之上不然何為束手俟
死衆以君素有畫可仰聽焉遂率孟莊鐵千兩河夏
村等老稚百餘人持牛酒詣太師國王行帳投附
王矜其情許焉命公前慰諭者良久且給符約遣各
歸田里尋州破鄰鄉多被屠掠惟孟莊兩河等里得
安堵如故兵後歲飢疫公惻然興感曰家幸羸餘胡

可坐視鄉人轉死溝壑即出蓋藏粟五百餘石計口而惠之賴安活者甚衆其散而復業者往往力殫具乏公為假牛畜耒耜曠種有因疾田蕪不克治者公廼侶結義社相揀助於是秋穫皆有得家具酒食勞公以謝其德公曰患難相卹人之常道矣謝為第比年來仰荷天休稍即溫飲不以禮道維持羣居雜處未免侵犯爭鬪之事衆對惟君見訓俾終厥惠君雖不經見聞遇子弟必申以孝義父兄則勉以恩愛聞順而善事者必需之飲食以蓄其良心彼游惰有安狎于不順者即畏以官府使懲戒於是田里安集不知出喪亂之餘而有讓畔敬饁之漸每冬夏設粥瀆於路以濟行人其周急濟物類如此聲稱傳播時

人有義門史氏之目州總匠王公興秀賢其為曰吾嘗聞居家理可移治于官遂薦于行省劉公署工匠提領府君感其見知盡心所事於是配能否均程課革舊弊皆有條次不紊及考工器率堅良精緻且合時度不為巧虛積料餘繳幹局稱入未嘗竊徒工治已私以自腴摠匠每稱能以勵其餘某年月日以疾終于家享年八十有五葬孟莊北原先塋之次識者謂公德純行美効官及物者甚廣其儲祥萃慶不在其身而子孫將有勃然興者娶同里某氏柔順勤儉克配公德生二子長曰伯祥次曰伯福幼承訓道俱孝而友或以襲父職為言伯祥曰吾家世服井畝以孝弟相傳達吾先人輕財重義表率一鄉雖遭罹世故

所立挺挺然大先業為有光今予昆弟二人無所肖
似繼守田廬負薪之責惟罔克是揚第知勤敷苗修
疆畝寒耕熟耨濬源培本使先世之澤滄蓄汪濊露
漑後人俟其可以起史氏者乃所職耳聞者歎其志
遠而有所見也及子弼長性謙謹寡言笑顏赫然軀
幹魁偉孔武有力年十六七時耕牧田間午憩桑蔭
下父往饋遙睨有玄虺穴其口父大駭趣呼之寤問
馬曰無所覺自是手力愈若神助遂精習挺槊又善
左右騎射赳赳然負干城之氣揔匠王公子前潼關
使彥弼異而喜焉舉於左丞相耶律公一見奇之得
給事省府適考工上新製鎧弩力踰十鈞近臣有言
弼材勇善挽此者即召見試有驗命列名扈從仍賜

白金御驃以壯其勇不一二歲譯語國字皆通習之
嘗奉

旨數軍實於邊營岳祠于洛精簡而敝去壯麗而費
省由是廉幹之稱聞於朝

上知其可用至元己巳命佐帥臣劉整南伐轉戰江
漢間若麀峨眉掀松陽拔樊城下襄陽飛渡大江併
圍維揚率內薄先登及論功每在諸將右寶鞍錦服
寵賚殊渥始自漢兵揔管授金虎符懷遠大將軍行軍
萬戶加定遠安遠陞昭勇大將軍淮東大都督改揚州
達魯花赤今由鎮國上將軍進中奉大夫叅知政事
行黃州路宣慰使既拜命乃謀于婦翁奉直曰弼自
惟起身壠畝遭際風雲被沐恩遇以汗馬微勞不十

五年間仕至將相其於史氏榮之極矣茲蓋祖宗勤
苦純儉累積攸厚一旦發越于魏馬之躬者如是不
顯可不知其所自哉欲報之德有懇求懿筆著信于後
者論述陰積表樹丘壠而傳不朽庶幾顯揚之道奉
直曰宜矣遂託樞相贊皇趙公及關使王君以事狀
求屬因勉為次第之中奉大夫之父今年六十母夫
人某氏若干壽皆享有全福叔之子曰輔管軍千戶
次曰翊未仕中奉之子曰蠡奴女一人曰燕哥至元
戊寅三月晦日謹狀

太一五祖演化貞常真人行狀

師姓李氏諱居壽字伯仁道號淳然子衛之汲縣西
晉里人生有淑質沉默寡言笑自幼喜道家之學年

十三拜太一四代祖中和仁靖真人為師旦夕給侍
左右進退應對容度詳謹中和知其可教甚善待之
戊戌歲受戒為道士命典符籙科式等事錄文部帙
靈章寶篆仙階顯職稱號廣博師裝繕嚴整銓次詳
明大稱所委壬子歲

聖主居潛邸駐蹕嶺上以安車召中和真人於衛既
至燕見之次薦師才識明敏志行淳和請傳嗣為五
代祖仍從誓約易姓為蕭即蒙允可賜為貞常大師
仍授紫衣其年冬中和謝世中和人品道價高跡一
世師嗣挈玄綱以簡重堅潔持守成規洞洞屬屬若
恐失墜及其張皇道紀疇酢事宜其應如響由是徒
衆厭服聽約束惟謹前人之光曾不少佚時衛大旱守

官致禱于師即書 太一靈符浸巨益中騰呪未畢
雲葉膚合澍雨露足致德譽日廣上聞於朝己未春
上南巡駐蹕淇右重師之請幸所居萬壽宮張真仙
之倏去喜付畀之得人周歷殿廡詢慰者久之師敷
對誠欵允協

睿意眷顧光寵於焉伊始明年庚申中統建元春正
月命師即本宮設黃籙靜醮冥薦江淮戰歿一切非
命者迎奏際陰風淒凜若有趨赴恸泣之狀秋九月
詔赴闕下

上親諭修祈校金籙醮筵翼日特
賜號太一演化貞常真人二年冬
上命崇斗於厚載門親詣祝香仍賞錦紋綾帔四年

秋遣近侍護師頒香燄賣等祠仍賑濟貧乏至元三
年以京師劉氏宅

賜師為齋潔待問之所六年春

皇嗣請師禱祀上真用介繁祉受釐之餘遂資師金
冠錦服玉佩付焉八年螟蝗為災

命師即岱宗汾隄設驅屏法供秋乃大熟十年正月
就

上都大安閣演金籙科儀時春寒

賜黑狐裘貂帽各一冬十月奉安真武神位于昭應
新宮禮畢

中官衣以異製綾道服

大內青宮肇造之初皆

詔師按太一符云禳鎮方所十一年特
旨於奉先坊創太一廣福萬壽宮中建齋壇繼太保
劉秉忠禋六丁神將歲給道衆粟帛有差十五年奉
旨祭七元星君于西府鐘室啓告之初期以風動所
樹幡標為神君格思之驗既而
儲皇親臨炷香冷飈颺至幡影颺颺從官劔佩鏗鏘
肅然為起敬明日具陳其事
上甚喜越明年以事辭結遁壇
命易七元斗位

聖上儲皇以師積年祭禱精誠多獲靈應前後
賜與如玉尊像寶粧劔安車龍杖金銀器皿等物不
可殫紀師爰自傳嗣以來奏言始祖曰太一一悟傳

教真人二代祖曰太一嗣教重明真人三代祖曰春
一體道虛寂真人四代祖曰太一中和仁靖真人焚
黃昭告典禮華縟存歿有榮焉至元三年以重修祖
觀殿宇告成以聞蒙

勅辭臣製碑鋪敦教基具紀本末復奏受保舉師張
善淵真靖大師教門提點監度師高昌齡保真崇德
大師高第李全祐觀妙大師范全定希真大師及欽
承

璽書護持玄門其弘闡宗教殊為光顯師以至元十
七年七月廿六日羽化於西堂方丈享年六十
治命令觀妙大師李全祐嗣主法席訃聞
上嗟悼久之

儲皇聘楮冥三十定仍諭中書省給威儀祖送其年
十月遣使護喪歸葬衛州汲縣四門村祖塋之次師
半儀修偉清修有操行謙虛篤實不事表襮混然與
物無忤而胸中風鑒殊皜皜也與人交誠款有蘊藉
所談率以忠信孝慈為行身之本未嘗露香火餘習
生平問學不斯須離如飢渴之於飲食其易傳皇極
三式等書皆通究其理晚節德量弘行博大不可涯
涘宜其為

聖皇挹真風屬祕祀留宿

宮禁叅預庭議師素以憂深思遠理或未暢形於顏
色故因方便而需
德澤之庀即詢訪而裨時政之闕橫覆道蔭成敷錫

之美者多矣惟其玄默不出臣得而詳論者謂師雖
方外士其至誠

上感蓋有君臣慶會之契古人稱上士學道輔

世主以洽好生之德師其有焉既寔之二年嗣教真
人將以師言行請於

朝植碑神門掄揚追報以慰華表歸來之想以不肖
憚與師義同里閭交且頗知師為頗詳以事狀見記
謹按綱首楊 等所具行實勉為件右庶幾太史秉
筆者得以採擇焉至元十九年十二月廿一日中議
大夫治書侍御史行御史臺事王恂謹狀

秋澗先生大全文集卷第四十七



臺灣國家圖書館, NATIONAL CENTRAL LIBRARY, TAIWAN. F.O.C.

秋澗先生大全文集卷第四十八

傳

大元故宣武將軍千戶張君家傳

君姓張氏諱思忠字正言盧龍永清人也曾祖行大
父德輔世業農金百年來支屬蕃息居不異爨至今
以義門稱燕朔間父諱全姿沉粹少以場家起家為
志大元甲子天兵南畧以良家子從軍隸都元帥史
公戲下以武幹見稱凡意料且與公契及公鎮守真
定得專擢拜以功監領左軍克唐山邑宰既而開府
忠武公紹襲閫職首以鎮撫授君歲壬辰以千夫長
從公略地河南歸德禦堅猝不易拔君鼓勇先士卒
登且以戎鎧鮮異為大帥速不斛所識及賞犒以功

讓所善高信由是信拔出行伍致身顯達遂轉戰密
之西山民避兵匿洞窟中往往縱火薰逼君言諸主
帥禁馬賴全活者甚衆其後從成陽夏開邊屯受成
整暇兵有餘力而民風愛懷繼移鎮入鄧凡百草創
都督史侯皆擬易治一新君依前以鎮撫供職於是
招流散復田廬治渠堰整屯戍謹斥堠咸領辦有方
不大聲以色人至以佛張鎮撫日之其慈祥為可知
丙辰春壽六十有一遘疾終鄧之宜舍葬真定縣臨
濟里域夫人趙氏後公十九年歿生子六人宣武君
即其長也宣武幼不好弄嘗聚嬉里門能威重自居
指顧群兒不異官府識者已稱其不凡知學穎悟既
不群及長有謀畧善騎射大都督一見與語奇之命

日侍鈴下庸玉汝之幾冠嗣父職適有事江淮風雲
交會之際宣武年少英發夙夜聽恭不遑寢餼氣益
厲志益明事益辦時軍府有疑獄久不能決命審鞠
之畧不加威而窮奸直枉兩造情露闔府與其明察
至於繕城壁建樓櫓使號令精彩一軍增雄雖謀出
上焉其所以廣益于下者多君之力也丞相忠武公
奏降銀符真授都督府鎮撫至元五年
朝廷命帥會諸道兵攻取襄樊為上流破竹之舉宣
武備列戎行首建戍白議曰清澮于漢宜亟據要害
築堡戍使遏宋人沂流以資寇盜不然彼或先之豈
惟奪志吾無如之何矣從之分兵壁其會宋人為氣
裨時餉道不繼行省以君有畫能幹即擬克唐州新

野等處提舉糧漕使消行岡阜間淺深不常艱于綱
運君遂捷數堰平水勢隨造江軸車餘千兩兼速陸
運復設防戍絕去涂梗舟車通便軍餉為不乏矣樊
城小而陞為襄之扞蔽省議取之翦其臂翼君率先
貔虎既登中流矢戰不輟丞相伯顏公壯其勇止之
以勞宣授行省都鎮撫其職掌大槩上承大帥方畧
指授諸將諸軍有所關白必因以上達與夫訓練調
遣巡羅等事皆所領治當時諸軍大小四十餘壁每
翼鎮撫一員號之曰接手日聽將令于都鎮撫武弁
佩刀弭 於雲麾之下蓋肅如也其倚重漢比軍司
馬唐都虞之任君感其知遇誓以捐軀報國至元十
年春二月襄州破第功上聞至蒙弓矢鏐鞍繡衣之

賜明年秋九月詔丞相伯顏等水陸並進鄂渚渡江
師次郢宋人以艨艟闔艦橫鎖漢面以扼之不克前
責君辦之君按視對江堡北有枯河可三里許連接
一湖湖滙於漢通君喜曰吾事濟矣遂挽舟由港中
盡達于湖舳舻蔽江順流而東無復橫草之虞矣大
為丞相嘉賞時主帥從偏裨百餘騎行視郢險天大
霧不覺抵壁下彼潛出兵圍之數匝衆相顧失色君
奮槊突擊殺數十人為解去因建言于相府曰郢據
漢為池東南又有沙陽等城旁為犄角宜乘銳先破
之則郢乃孤矣韙其策即命君督精甲潛往不移蔭
掀沙揚石掘新城降沔陽而去隨與諸軍併力破夏
貴兵於陽灘堡以清江道我師飛渡駐軍武昌矣時

朝廷策諸將始加散秩以功最授宣武將軍師既東
前阻鄱湖風浪君力督水師浮梁而濟其敏捷赴功
類如此宋相賈 整國力結陣丁家洲塞江路俟
與我師鏖決丞相公命君督諸軍前陣君鷹揚致師
出入行間指授方畧意甚暇也一再合而宋人敗績
遂入建康丞相阿木即分兵趨瓜步回擣維揚擇勇
而有謀者偕往君首膺其選丞相公惜不遣令將策
勝一軍權克萬夫長聞于朝其為二相倚重者若爾
命未下竟以勤勞致疾以是年夏五月歿金陵之軍
幕得年三十有九丞相公聞 驚悼以馬箠擊地有
云亡孰繼之嘆遣屬將相祐護其輅歸張君為人美
鬚髯氣量宏事親存撫諸弟以愛與人交有終始不

一言忘盡心所事國爾忘家若飢渴之於飲食其趨
事赴功臨机制變志慮出人意表拊循士卒與同甘
苦皆樂為之用故其燕趙勁氣所向披靡樹駿功為
尤多初渡江凡軍中俘士人為獻者君與求親屬悉
資遣之其或願留依庇者事甫定一皆縱還鄉里夫
人房氏唐相國梁公商內助有法配君德良稱先君
歿生子男四人長曰用道嗣君職次用和用康用章
女四人適名族繼室史氏太尉忠武公之次女生女
寧奇孫男四人女孫三人贊張氏三世在野純積既
久固所發攸厚若父鎮撫君起壠畝奮棘荆致身為
偏裨亦云顯矣其施若猶未也逮君遭乘機運奮發
志勇以投風雲之會惜乎功名垂就不享其報使英

姿茂績有鬱而未盡者今嗣侯以破靖江討江西逋寇
等功進武德將軍行軍總管風姿文雅廷譽士大夫
間殊藉藉然蓋將行夫遺澤而大其世業者耶用道
與內弟游交甚款以家傳見屬遂直書其事至于
筆削其間以俟夫學春秋者焉

盧龍趙氏家傳

孟倅穆尋墜緒續先猷特懇太史王憚通述一傳庶
幾溯川流而遠紹淵源溉根本而敷榮枝葉以袞謝
辭者再請彌堅謹按趙之得姓肇自周滿策造御勞
胙土受氏于孫蟬蟬代有聞人時魏譜逸茂克論次
所可知者當唐世遠祖諱少陽生于簡亮亮生元遂
宦游于燕家焉因為盧龍人遂生子思溫字文美姿

英粟拳勇絕人尚氣任俠五代初燕帥劉仁恭壯其
才武叙為偏將晉王存勗來問公率所部挺身逆
戰目中走矢為統帥周德威所推晉王聞其驍勇義
而釋之數蒙指蹤逮與梁人戰於莘野陷陣深入斬
戮不勝計第功最加金紫光祿大夫檢校尚書左僕
射使持節平州諸軍事平州刺史神冊二年為太祖
遣元帥擁大兵來攻城中糧盡援絕公審形勢之
歸察輿情之去就遂款附太祖素知其才勇可
寵遇殊渥東伐渤海俾將充都團練使既
餘率敢死士十餘輩突戰先登立拔其城身被重傷
太祖親調藥以敷之武帝即位論懷敵功檢校太
保靜軍節度使天顯十一年石晉起義并門來求援

命公出師風憲間犄角之敬塘賴以克濟加特進檢校太尉中書門下平章事燕京留守盧龍軍節度使管内觀察處置等使明年進階開府儀同三司兼侍中封天水郡開國侯食邑一千五百戶仍賜協謀靜亂翊聖功臣兼雲應朔奉聖等道採訪使時方兵後彫瘵未蘇政舉綱條惟從寬簡轉臨海軍節度使會同元年使晉行冊禮還檢校太師兼侍中進開國公加食邑五百戶二年春有星隕於庭俄薄疾以三月廿日薨享年五十有八上聞震悼莫祭賻贈有加贈太師衛國公莽昌平縣五華山之陽敕集賢大學士張礪銘其神道公事親尊奉上忠出入行陳三十年大小百餘戰勲業烜赫身都將相備極人臣之貴而

謙撫自牧退然若無能為者宜其以功名終初遼祖殂后述律氏智而忍悉召大將妻諭曰我今寡處汝等豈宜有夫復謂諸將曰可往從先帝于地下有過者多殺于木葉山墓隧中公後以事忤后使送木葉山辭不行曰親寵莫后若何不往曰子幼國疑未能也迺斷其一腕以送之直公而不殺平昔守正不屈類如此配太原王氏贈鄭國太夫人繼室清河夫人張氏陽翟夫人翟氏子十有二人長曰延照永清軍節度使侍衛親軍事特進檢校太尉同政事門下平章事開國公食邑一千五百戶賜號推忠奉節毅勇功臣十一世孫晒山北遼東道次曰延祚燕京留守檢校太師開國公食邑一千戶十一世孫肱肥鄉三務使今居燕十二世

孫天民遼陽省都曰延鄉竭節匡邦保義功臣大同軍
都事今居平燕
節度使檢校太師開國公食邑一千戶曰延構供奉
官東西班都點檢曰延威推忠佐命翊贊功臣保靜
軍節度使特進檢校太師開國公食邑一千戶十一世孫
明今任兩浙曰延晞飛龍院使檢校尚書左僕射曰
運司知事
延誨保靜軍馬步軍都指揮使曰延光順義軍節度
使曰延玉彰國軍節度使曰延煦點檢曰延紹同州
兵馬使曰延旭內庫提點女十四人長適泰安州刺
史傅知寶次適天雄軍節度使檢校太尉兼侍中韓
巨美次適弘農楊氏次適竭誠奉國翊贊功臣東平
軍節度使特進檢校太師兼御史大夫上柱國南陽
郡趙國公尚書令判三司使韓德樞次適榆州刺史

張彥英次適彭城劉氏次適左林大將軍張美次適
宣徽南院使天平軍節度使檢校太師同政事門下
平章事判三司韓勣次適清河張氏次適博陵崔氏
其開府太師衛國公第五子特進府君即穆之十二
世祖也葬建州永霸縣白羊峪有乾統七年夫人馬
氏所樹銘幢特進府君生二子曰匡舜左千牛衛大
將軍生子四人曰匡禹臨海軍節度使生八子第七
子為翰仕至保遂州團練都統使始葬大興穴寫別
墅即睿智皇后賜田也生三子相之生五子第三子
洧生六子第二子公為副兼管內觀察使一子鎔官
鎮國上將軍一子居常驃騎衛上將軍七世並襲遼
世爵相之府君弟進之永豐庫使尚之生子洽絕進

之一子績寧昌軍節度使贈金吾衛上將軍三子仲
曰公謹龍虎衛上將軍靜江軍節度使四子孟曰興
祥賢而多材仕金海陵世宗兩朝以德望門地致仕
途顯赫官至開府儀同三司左宣徽使太子少傅申
國公封鉅鹿郡王葬良鄉曰城劉李里蔡家曰迄今
以趙大王墳目之翰林待制趙攄所撰神道碑在馬
驃騎府君生五子曰柄天姿孝友博學克守世範曰
挺邃星曆術金初任靈臺司正即曰機留心軒岐書
伎精良選克尚醫侍宣宗官至保冑大夫曰梅善價
殖致屋潤積而能散貧之者多沾其惠興陵因游畋
宿其家聞富而好禮賜銀燭盤二鄉梓榮焉嘗監謝
邨鎮酒曰植字景道穆之曾祖也姿情淑有操行力

學務為無所不窺工作詩嘗舉進士不偶輒拂衣去易
名質隱穴寫別墅教授為業別墅東二里許即金建春離
宮明昌間道陵春水過聞絃誦聲幸其齋舍賦詠門
間所題詩有折脚鐺中薰白薺打頭屋底看青山者
久之尋召至行殿賞其志趣不凡命之以官固辭曰
臣僻性野逸志在長林豐草金鑣玉絡非所願樂况
聖明在上容巢由為外臣可乎道陵益奇之特賜田
十頃復之終身士論烜耀自是不呼姓名皆曰建春
徵君號其鄉曰崇讓尊顯之也終於泰和二年三月
乙丑享年八十五配李氏生子致司正府君之子曰
侃字和之穆之伯祖儀觀修偉學識該貫尤長於音
律儀制章宗時用闕閱子弟試太常禮樂科中承安

二年登歌甲首由是於禮樂愈覃精為專門之學矣
積勞自工師副正轉協律郎貞祐播遷禮樂散失不
完命楊禮部雲翼為太博千里詳定府君以掌固得
預節文所不備條理之未暢資其論說補鑄為多累
官定遠大將軍大樂署直長權知太廟署事金未南
遷校量鐘律獨黃鐘抑而不揚既至汴林鐘復爾雖
更鑄尚然竊自嘆曰八音與政通陰陽消長所在可
以卜時之治忽中興其不竟乎既而金亡嘗會飲市
樓樂甫作語所知曰華有狼戾音即去之米有醜而
闕死者其沉機先識如此壬辰北渡隱居鄉里未嘗
一日忘其素業迺編集郊祀所記憶者為祀典樂志
辨凡三十卷或譏曰若所學與時豈不背戾答曰

文武迭用世道之常今向平治以是備他時求訪之
具聞者嘆其資深而慮遠歲戊戌

襲封衍聖公孔元措薦府君於

朝攝大樂丞東傳徧歷四方搜訪前代禮官樂師祭器
圖集備預制作中統建元以來文物郁然君有力焉壽
八十一卒時己未夏四月廿七日也配金吾李氏一子
守忠正大間策論進士仕至承德郎管勾尚書省承發
司前君歿娶王氏秦氏孫五人柔原圭秀異曾孫繼祖
榮祖與祖顯祖等八人曾女孫十人玄孫男三人保宜
府君之子曰璧字叔寶穆之叔祖姿沉雄有才幹涉獵
經史中武舉第官廣威將軍宣宗麗妃位奉事卒于戊
午歲九月十九日得年六十五配史氏麗妃兄之女生

三女俱適時族建春府君之子致字文玉穆之祖也資
長厚耿介不妄交游學問淹貫工辭翰藉門資調遵化
三司使易代後僻居研窮理學申明家法勉子孫興門
戶為務自稱貽齋居士壽八十五終于戊辰三月九日
配良鄉李氏母儀婦道光範中表生子鉉字仲器幼孤
藉伯考定遠君翼誨及長雅淡喜讀書不樂仕進遂易
學好古多巧思音律占筮咸詣其精妙

太宮肇造鐘鼎祭器法物朝儀以先生家學精思罕
匹命之監視或以方伎
上聞適營建新都俾灼吉兆基命丕作蒙賜白金五
十星重幣十襲相臣因諫官之辭不可止其言人榮
悴雖察五行盛 必配合道義廣示勸戒名公朝士

歆其學識來質疑請益者無虛日焚香煮茗間出三
代禹彛法書圖籍傳觀披玩論辯皆有證據及談遼
金故事揮塵緩頰使聽者忘倦慈祥堂弟之色津津
溢眉睫間有承平遺老氣象晚節號鈍軒逸皓諸賢
贈遺詩文無慮數百篇嘗于祖窳側構亭為春秋奠
祀所承旨王文忠公扁曰遺安樞相商左山為之記
其為名勝稱賞若爾今年登期願康寧順適壽祉未
可量也駁李氏生子穆性純壽早傳家學善篆隸以
啟慧延譽播紳間得從事翰林出倅孟州轉邢臺尹
超授承務中山府判官穆之子適祖述祖廸祖遵祖
孫遷安於戲趙氏自五季迄今三百餘年子孫蕃衍
幾于千人忠傳學繼世濟其美越不事宦游者學術

行義亦昭晰於時與韓劉馬共稱為燕四大族至此
唐李鄭崔盧由開府太師衛國公忠毅奮發捐軀為
國敦篤大本君子之澤其流淵長亶其然乎惟延威
特進府君第五房一傳而二再傳十二人三傳至廿
八人四傳四十五人五傳而六十四六傳八十四七
傳九十二八傳當建春府君行群從數幾滿百本支
子侄廿有八然遭士辰喪亂存者僅三人而已非賴
穆之訪緝譜謀則後人無由知其祖考之所自出宗
系之所自分今復揚豐功之盛烈發潛德之幽光傳
載無遺垂鴻不朽俾趙氏來者觀感景仰克念無忝
是亦顯揚之一節也傳曰慎終追遠民德歸厚矣又
曰惟孝子善繼志述事若穆也可謂有志追遠述事

者也大德己亥秋七月翰林學士中奉大夫知制誥
同修國史王惲述

開府儀同三司中書左丞相忠武史公家
傳

丞相史公天澤其先燕之永清人世以族茂財雄號
農里著姓曾祖倫祖成珪繼有純德百年来潤涵淵
寢滙而不發逮父尚書府君秉直讀書尚氣義為一
方向服生三子天倪天安公其季也

國朝癸酉歲冬十月 太師木花里以王爵帥

天兵南畧中夏雷碑霆激震蕩無前府君審興運之會歸
一群疑之去就倡率義從迎降軍門 王焯其誠數
千人賴以生仍令府君統降主漕繼從 王攻北京

下之以勞授行部尚書淵流騰盛千載之會實開于
此及金將武仙以真定降 王命公兄天倪克河北
西路兵馬都元帥即鎮守俾先貳馬時公年二十有
三身長八尺音吐鐘鉉然善騎射拳勇絕人屬索隸
署帳前總校明年乙酉春護母夫人北歸仙尋叛都
帥遇害府僚王縉王守道追公及燕曰變起倉猝部
曲散走多在近郊即回旆當不招自至公毅然曰不
聚國之讎死亦當往遂傾橐易仗南還以圖報復行
次滿城得士馬甚衆餘兵四集牙將毛 等即推公
攝行軍事遣監軍李伯祐言狀于王就請兵濟討即
命公紹兄職仍以國將咲乃旱統精兵三千為援合
勢進攻盧奴仙驍將葛鐵槍八主簿擁萬衆來掠公

撤圍逆之奮先將士灑血馳戰呼聲殷地無不一當
十葛氣褫會日暮退依派水為阻公料其墮歸敵必
宵遁果然乘之衆大潰擒鐵槍資其器仗儲待軍
威大振遂下中山略無極拔趙州進駐野頭仙懼奔
西山之抱犢若其年夏六月復真定無幾宋將彭義
斌陰與仙合又圖竊取公同國將御諸贊皇扼仙軍
不得進義贊勢蹙嬰火炎山自固主帥問計於公曰
賊衆山扼自陷地地此易破也遂令監軍孫 提銳
卒五十公略其後繼以鐵騎蹂之斬義贊戲下自是
義勇之名軒裸燕趙間後數月仙潛納謀者匿大歷
寺夜斬關為內應遂反其城公跳走藁守帥董俊以
全軍授公復與笑乃尋破走仙主帥忿民之反覆驅

萬人出將勦焉以示威公曰是皆吾軍民我力不能及
一旦委去不幸為賊脅制今殺之何罪弗聽復力爭良
久乃悟而全釋公乃繕城壁除武備明號令守禦以
方為不可犯之計歲荒食艱捐甘苦與衆共之於是
招流散拊瘡痍披荆榛撤瓦礫數年間官府及民聚
以次完治然高公抱憤諸柵仙之巢穴也不即揃覆
則終遺後患隨攻下之仙鼠竄而去繼又取相衛
太宗即位公入覲朝議方選三大帥分統漢地兵
上素聞公賢

詔為五路萬戶以真定河間大名東平濟南隸焉庚
寅冬圍武仙於汲小大凡十餘壁金將合達以衆十
萬來援鋒始交不利諸將乘虛一時奔北公獨以千

人繞出敵後挺刃橫擊敗一都尉軍既而復與大軍
合攻仙逸去復取衛州明年壬辰

太宗由白波渡河

詔公以兵由盟津會河南至則

睿宗皇帝已破合達軍于三峯山乃命公略地京東
遂招降太康柘縣瓦岡睢州追殺守帥慶山奴於楊
邑金主東播復自黃龍岡來襲我新衛公聞之輕騎
馳赴比至已合圍奮戈突抵城下呼守者韓帥曰汝
等勉力援兵繼來復躍出敵愕眙為披靡明日大軍
至內外夾擊敗走蒲城公尾其後金將伯撒所將兵
尚八萬我殺掠殆盡金主以單舸東保歸德公與諸
軍會睢陽同僚撒吉思欲薄城背水而營公曰若敵

來犯我進退失據此豈駐兵地耶公爭不下以其事
赴汴比還全軍皆沒其圍蔡也當懸瓠北面潛涉汝
險出入壘中血戰者連日蔡兵大敗汝水為不流金
亡公還趙視師自乙未版籍後政煩賦重急於星火
以民蕭條倖不易辦有司貸賈胡于錢代輸積累倍
稱謂之羊羔利歲月稍集驗籍來徵民至賣田業鬻
妻子有不能給者時兵民未分賦役互重復遇征戍
則趨辦一時中外騷屑殆不聊生公憫詣

闕併奏其事民債官為代償一本息而止軍則中戶
克籍其征賦差貧富為定額

上皆從之布告諸路永為定制迨戊戌己亥間仍歲蝗
早復假貸以足貢數積銀至萬三千餘錠公度民不

可重困乃先出其家貲次及族屬官吏均配以償遂
折其券監郡忙哥撒兒以國兵與魯數萬口散處州
郡間營帳所在大致驛驛伐桑蹂稼生意悴然公騰
奏

太后悉徙居嶺北由是軍民肩息田里遂有生之樂
迄今真定兵甲民數勝於他郡由公牧養其根本故
也

國朝自金亡以來歲有事於宋公未嘗不在戎行棗
陽之役城小而堅主帥忿其攻久不拔命徑乘其城

公率馮程二拔都國朝語謂勇猛士曰拔都先諸將登

太子濶出壯其勇惜其材傳呼止之公戰愈力克焉
其攻襄陽也宋以舟師數千陳峭石灘犄角以綴我

肘

太子以城不易拔可趣利舟楫命公往以陳翟二校
自翼驅猛士兩舸直前擣之彼氣既奪奮槩盡決覆
溺者萬計獲馬及取光化復引絙首上立陷其城復
州之役敵盛以鬪艦三千艘鎖湖面為柵公進說曰
柵破則復當自潰遂募勇敢士四十輩親鼓而前壞
蕩無遺復懼而降其攻壽春也公獨當一面宋人以
我圍遠勢分緩急首尾莫應賊乘夜果來斫營公單
騎逆戰手格殺數人戲下繼至悉驅賊入淮水至于
撤滁州蹂盱眙擄寶應瀕江渚且破且降者二十餘
所雖會諸道兵共事其伐謀制勝愾敵樹功未嘗不
在群帥之右及策勲盟府推讓行間雖寸長不掩故

諸將屈盡其智能士卒樂出死力論者謂公智信仁
勇堂堂有古良將風士子歲公入覲
憲宗察其忠勤特加顯異遂以衛五城封公為封邑
方今

聖上 潛極知河南困敝請分治培植為異日包舉
殘 之本許馬遂以公克經畧使公以河外虛耗日
久封豕存食于內邊寇日侵於外非大興休濯則不
可去之舉賢能汰冗濫抑豪強均賦役信賞明罰訓
農勸兵列堡戍以絕寇衝實屯廩以給邊餉凡政之
不便及民所歆而未得者率更張而立行之睢州長
楊興封丘簿董 極橫恣不法暴其惡肆諸市萬口
稱快明日閭閻間有畫公像者不二三年方數千里

之間行於野民安其樂郊出於塗商免其露處觀善俗既庶而有教察軍志則又知夫怯私闕勇公戰威行惠布陽開陰肅內外修治略夫遺策河流遠潤衛亦復承平之舊宋人為祭其北門矣丁巳春詔左丞相阿藍哥兒勾較諸路財賦性苛刻煨煉羅織轉功為罪上下例遭凌辱公以勲舊獨見容假公請曰經略事我實主治是非功過理當我責今舍焉而罪餘人心何能安怒叱去公不為動堅請者數四用是翼蔽頓釋者甚衆戊午秋扈憲宗西征明年夏駐合州之釣魚山秋疫作方議回鑿宋將呂文德率艦艘千餘蔽嘉陵江來犯逆戰不利

上命公禦之乃分軍為兩翼跨江流縱擊致鉅艦數百艘逆至重慶三戰三捷遂班師而還又明年庚申夏六月是為中統元年皇帝御極首問公治國安民之道遂具疏以聞皆時所急務上嘉納之旋命公撤江上軍還授河南等路宣撫使兼江淮諸翼軍馬經畧使制辭有史天澤自太祖皇帝命木花里國王開拓漢地卿兄有佐命殊勲又扈從朕之

父兄勤勞王事文經武略於國有功綏撫河南民懷惠愛有功高心小夷險不移之旨明年夏五月由江

淮經畧使進拜中書右丞相公既秉鈞衡細大之務
知無不為然言必慮其所終行必稽其所敝不強時
之不能不禁民之必犯體時順勢通變制宜於是清
中書以正紀綱分六部以綜名實設撫司以肅州郡
退貪賤以簡賢能需恩澤以安反側頒祿秩以養廉
節禁賄賂以絕倖門又定省規十條董正其機務
憲宗初年括戶餘百萬至是諸色占役者強半悉奏
還為民籍以紓疲瘵論思之際處國相儒臣間調諧
彌縫必使情通理得期於事集功成澤被生民而已
自是上下交孚

帝載熙緝中書無留務矣故中統初元文物休明階
太平之治者公之力為居多秋九月扈從

北征次昔木土與阿里不哥遇命線真為右軍公為
左軍仍合大勢蹙之北兵潰遁三年春壇賊陰結宋
人以益都叛

上命親王合必赤搃兵討之克勢張甚

詔公往視聞壇入據濟南公曰豨突入笠無能為也
至則進說於王曰壇多譎而兵練不冝力角當以歲
月斃之遂環以深溝高壘奔軼應援之計畧不能肆
四月軍潰出降生擒壇公力主斬於軍門誅同惡者
數十餘人悉縱歸傳檄東下為壇守者皆降及陞見
悉歸功諸將乃以擅殺自劾

上察公忠誠亦不之罪初

臨軒授鉞付公顯征諸將皆聽節制迨卒事未嘗以

詔旨示人三齊平首奏兵民之權不可併居一門行之請自臣家始史氏子弟即日皆解綬而退初公既相即辭其封邑凡三請乃許其謙遜密勿類如此至元改元加光祿大夫中書右丞相如故三年皇太子燕王領中書兼判樞密院以公為左丞相樞密副使遂議建三衛及留兵寓農之策不二三年國容軍實蔚然可觀六年

朝廷營取襄漢

詔公與駙馬忽剌出往經畫之賜金幣甚渥至則相要害起一字城聯亘諸堡貯兵儲絕聲援示以久駐必取之基而繼以疾還明年進開府儀同三司平章軍國重事仍令右丞相安童諭旨曰中書省尚書省

樞密院御史臺或一月或決旬大事卿可商議小事不煩卿也十年宋將呂文煥以襄陽內附聖天子赫然有掃清六合混一車書之意明年秋與右丞相伯顏總大軍行臺荆湖自襄州水陸並進趣鄂渚渡江中道病不能進

上聞遣使賜葡萄酒勞公仍慰諭曰卿自

朕

祖宗以來躬環甲冑跋履山川宣力者多矣又卿首事南伐異日功成皆卿力也勿以小疾阻行便為憂勞可且北歸善自調護公還真定

上又遣其子杠與尚醫馳視及賜麥糖等物因附奏曰臣大限有終死不足惜第請天兵渡江以殺掠為

戒言訖而薨略不及其家事年七十有四訃聞
上深震悼遣近侍致奠賻白金若干贈太尉謚曰忠
武仍敕辭臣製碑表其勲德公忠亮有大節出入將
相近五十年其元勲碩德柱石

四朝師表百辟殆古社稷臣而氣貌循循若無所為
者及臨大事論大政夷大難毅然以天下之重自任
要以竭忠殉國尊主庇民為心一以至誠將之其視
富貴權勢斂然畏遠若將有浼於己者其善始令終
世擬之郭汾陽而氣量涵宏識慮明哲又根於天性
粹然故

累朝賞公忠勤

龍光稠疊前後賜賚不可殫紀公初進大拜

制下之日

朝野交慶公門閤蕭然若無所事有面說公以威權
自張者公因舉唐周墀為相問於韋澳曰力小任重
何以能濟澳曰願相公無權墀愕然不知所謂澳曰
爵祿刑賞與天下共之何權之有又曰某緣汗馬頗
著微勞餘將何有今

眷倚如此正以軍國事體猥多歷練老夫有通譯其
間為諸公調達耳相則吾何敢當言者悚服而退至
於開誠心布公道集衆思廣忠益用人齊家訓子
侄又有大過人者當歸德城潰脫李大節于白刃俾
恭慕謀留務無巨細一以慰之恭鄉王昌齡代公治
衛亦以聽其注措其裨贊籌畫則王守道納合松年

四人推誠委寄雖骨肉莫能間故真定治效高視他郡四方為之訓北渡後名士多流寓夫所知公好賢樂善借來游休若王濬南元遺山李敬齋白樞判曹南湖劉房山段繼昌徒單顯軒為料其生理賓禮甚厚暇則與之講究經史推明治道其張願齋陳之綱楊西庵張條山孫議事擢府薦達至光顯云初武仙既害都帥公紹其職及兄子楫長即奏請於朝曰臣始遭家難勉承乏以雪讎耻今侄楫等皆可勝任原以職歸之畢臣宿志

太宗曰但聞爭官者多讓職者鮮卿之此舉殊可嘉尚

朕自有官俾之即詔楫為真定路兵馬都總管後又

奏次侄權克唐鄧軍萬戶公因以疾乞退曰臣無大功報國一家處三要職恩寵踰等敢昧死固請上曰卿奕世忠勤有勞于國一門三職何愧何嫌竟不允

憲宗駐六盤也

詔發民為兵

勅使擬公子為帥公曰吾昆弟三人大兄之子俱顯仲之于末也幸先之使者嘆服竟以侄子樞克新軍萬戶初總衛釣魚也有邊將蒲察瑒者隸馬日有言偃蹇不為下公含容之明年渾都海平行臺上功相府獨瑒名闕公問焉或以前事對公曰聞平夷隴右

若功最多其可後哉即命具完文以進遂均賞賚其
忘過記功又如此嘗集子侄輩戒之曰史氏起龍幹
際風雲德涼效薄今身名顯赫宗族昌熾如是何以
答乾坤大造

累朝之思私乎若以王事殁邊暴馬革歸葬吾素願
也汝等異時策名委質盡忠所事以圖報
國又曰惟孝與義可有立于代汝等謹服此訓苟違
吾言與暴吾丘墓等爾公年四十始抑節讀書酷嗜
資治通鑑真積力久義精理貫諷誦略皆上口至成
敗是非往往立論出人意表雖老師宿儒有不如詳
者至矢謀廟堂運籌戎壘良法美意契合融會見諸
行事者誠無愧于古人云八子格中書右丞樟前新

軍萬戶林中山知府枉提刑按察使杞前衛輝路總
管梓澧州路同知楷終南陽府同知彬御史中丞孫
男一十六人不肖悍狠登公門者有年及與諸子游
故聞公言行頗詳以家傳屬筆故勉為撰述異時太
史氏勒元勳於帝籍贊畫像於凌烟庶幾有所考焉
贊曰

忠武公當草昧患難之際憤發義勇收合散亡卒之
芟群雄定河朔開國承家光昭父兄遺業其功烈已
不世出然一時佐命儷景同翻者多矣唯公歷事
四朝恩遇眷倚始終不少衰復能斂百戰之威雍容
廊廟以道事君為時賢相高名完節爛然獨著福祿
永終慶流後裔豈偶然致哉蓋由勲德兼備忠智兩

全君臣之間有以感召故也若祇以遭際期運依乘風雲論之是豈真知公者哉故推其生平行已大節為後來之法云

秋澗先生大全文集卷第四十八

秋澗先生大全文集卷第四十九
傳

蘇門林氏家傳

林氏其先兗州曲阜人唐季有官閩中者後復徙家文登至遠祖府君翰益五世矣翰宋初用貴贈率府率子諱文受知熙陵官至崇儀副使淮南路提無刑獄贈領軍衛將軍生子永終也田負外郎御史臺推直官累階贈光祿卿永生之純字嘉父權景祐五年進士第釋褐主朝城薄河東犯橫壠頻於不支歸兵恟恟欲亡去公安諭遂帖然事集并知莘縣以屏盜有方受澶州頓立令未幾恩信大行時委黃水盛下囑孫陳岸勢危甚公朝服立潰堤上望濤頭拜禱

全君臣之間有以感召故也若祇以遭際期運依乘風雲論之是豈真知公者哉故推其生平行己大節為後來之法云

秋澗先生大全文集卷第四十八

秋澗先生大全文集卷第四十九
傳

蘇門林氏家傳

林氏其先兗州曲阜人唐季有官閩中者後復徙家文登至遠祖府君翰益五世矣翰宋初用貴贈率府率子諱文受知熙陵官至崇儀副使淮南路提無刑獄贈領軍衛將軍生子永終也田負外郎御史臺推直官累階贈光祿卿永生之純字嘉父權景祐五年進士第釋褐主朝城薄河東犯橫壠頻於不支歸兵恟恟欲亡去公安諭遂帖然事集并知莘縣以屏盜有方受澶州頓立令未幾恩信大行時委黃水盛下囑孫陳岸勢危甚公朝服立潰堤上望濤頭拜禱

波神為霽威境賴以安改佐著作淮陽軍事判官貳
徐惠初紀著叛獄有匿其家者者註誤殊衆公為辨
理多致原釋郊禮覃慶加太常博士知大名縣初天
王院五代時有韓王賜田甚廣歲久失據鄰伍以僧
妄冒致訟累寒暑不能決公按索隣券考明封畔繼
得古石記與所按昭合以田付僧令歲輸常賦民乃
稱服用丞相程公薦通判青州終得年四十有九官
至職方員外郎上騎都尉仍賜五品命服娶呂氏京封
兆縣君惠和宜家之純生三子長曰舍字虛白年十
九擢熙寧進士第性恬退以高節自信嘗有詩云世
有非常樂人無未老閑未三十以大理評事休官名
賢高其行至方之淵明初先王西遊共城愛其山水

明秀迺營英青州府君於縣西處賢鄉古郭里母夫
人呂氏附焉自是林氏為衛之蘇門人先生四子曰
愚曰恕曰愆曰憲愚字賈元亦以節行稱宋亡至焚
香告誓不仕而歿仲弟介卿貢進士季弟會字貫道
幼知嗜書剛正有志操由蔭補郊社齋郎初主成都
雙流縣簿令久闕攝公行縣事有能聲部內舊有漚
歲例役並水民直治貧下苦之公乃一責資漚家理
辦仍捷石代土衆免告勞類歲大稔調宿州司理叅
軍暮夜民遺火延燒軒屋公出繫散置庭中比熄倉
卒際無越逸者上官材之移南京軍巡判官民有戕
其子執謀害人者按竟公至疑焉求情得白遂直其
枉改新蔡令歲大蝗獨不入縣境人謂公廉平所致

由常城宰歷秦符縣秩滿授通直郎知蘇州常熟縣
兩浙頻年大水引澆浦口湮闊無慮三十餘所累政
謾不加省公按行故瀆率疏濬之民受賜不貲元祐
庚辰疾終蘇之公館配張氏有淑德駕部員外郎亦
之女封壽安縣君生子男四人聽通直郎西京敦宗
院博士聰摠隱皆業進士自羈至成人太孺陰教
為居多聽生子五人曰巽允蒙鼎革巽次子諱正國
字德將登金大定十六年進士第終少中大夫北京
鹽使生懷遠大將軍毗陽丞諱茂字漢卿懷遠二子
曰思敬卿貢進士曰思德穎州軍仗庫使生子芳今
任江南某府從事思敬府君之子即故衛州交鈔規
措大使諱通字子泉為人平儀修整顏渥丹鼻隆然

如瞻垂寡言笑善心計顧衛南北街會貨財四通遂
積殖與時逐然坐壽能擇人而任故物情得而撥世
資生平喜賓客樂施予其克勤躬儉殆憂深思遠者
屢以其術事上官獲精幹稱嘗訓子珪曰林氏上世
以詩禮傳家代有聞人予惟早失怙恃生長喪亂間
以餬口計處四民末業致貽祖福羞諸孫稍長無忘
讀書以復世範汝念茲無置府君以丙辰歲終魚行
里之私居壽六十三配宣氏衛之大家主治內務寬
健有母儀燕處榮養期頤而終享年八十有三人以
全福歸之子珪以孝義著稱能世其父業嘗任州三
務大使次子璋謹愷克家珪子永大名府平準庫使
次子元珪奉遵先訓俾之從學其資藉塔迪乃心困

不盡不數年起家為中書掾至元丁丑予列職太史
元來謁拜而請曰元無所肖似析薪之責固不克負
荷惟是先世行業非得名筆約而暢之將不能傳遠
而人見於後先生尚存蓋願予以林世叙雖邈其聞
而知之見而知之者班班可紀以世姻之好故免
為傳述之贊曰

林氏本出商姓太丁子比干以忠諫死嗣堅逃難長
林山易以定氏周衰枝葉扶蘇散處中國如放之聞
於魯顏之顯於齊回以義著至以相名皆其後也繫
南安之林唐己來世為魯人豈放之苗裔耶道唐歷
宋金四百餘載間奕葉以儒顯其流風善政表表于
時者如是迨規措府君遭時艱虞家世中衰竟能適

為一回家子要紫大條來取所附

與徐誠之曰農當務實士君子帶非

送其家女弟嫁陵氏塔下以俠犯

女妹先君所鍾愛若婿置於辟婦

容匿會故嘗出郭門遇里農易

也墮焉取諸市可乎其人謝而去 黨

官府來求剖正為諭之曰遠親莫

世所未免親仁和隣古之善道初無

君子愛人以德曲直非所辯曰吾儕小人

不易慮至相戒曰今而後不可使長若

其為一邦聽直欽服如此王氏北

者尚十餘房其親喪隨所寓推厝曾之

晉村之南阜曾慮歷年久斧封馬鬣漫不可
吾大宗子合食族墓責實在我遂起新任大業於長
樂鄉第四疇祖業之北原及舉祀絕者廿餘極贈
率有加凡內外男女孤悻無藉賴者為娶嫁之姻禮
踰已出曾祖妣系出新中臨清閨宋汲郡公呂氏之
裔壹儀母德宗屬仰法焉生與曾祖歲月日同北兵
破衛亦同時怖沒於家春秋七十有六實貞祐二年
甲戌春正月十一日也百年來里中宿著談芬爰而
內有則者必曾為稱首生祖字彥字身身長七尺二
寸儀觀清淑少傳家學尤明習文法至帖問條對儀
精理當筆洒洒無滯辭行筆無居其右者甫冠遭罹
板蕩世業為一空舍身從事卒不失舊物雅為節度

公完顏從坦所知過由輝拔辟刑曹孔目官祖盡心
庶獄要本情與法應未嘗用察為明情得為喜也故
郡中稱平至有哀矜折獄之譽顏注刑統進祿尋書
既而嘆曰後世知我罪我其此書乎生平樂誨人怡
顏和氣不以己長格物雖童孺質問諄諄然無倦色
有弗知未始不盡也今梁衛間由吏業而上達者半
為門生遂以吏學授先君曰吾治獄平後當有顯者
然前賢有言吏以法令為師問而可知其能與否自
省資才非學而可此汝最當默識第完之子鈞早失
怙恃鞠育與先君等至一豆羹一裘褐必加顧恤正
大改元四月十六日以來疾終新衛州橫堤里之寓
館壽五十有官至毅武校尉祖妣孟氏女縣南草市

翰林坊富家姿真順配祖德良稱既誕先考以貞祐
二年癸酉四月十六日卒於郡之故家再娶韓氏韓
宋己來世顯族有累階至司空龍圖者二十九歲寡
以健烈聞流寓勤苦保持門戶甚力俾先君卓尔早
達祖妣資藉之方為多晚嗜道家教號妙清大元中
統庚申重九日以疾終安仁里享年七十有六越三
日祔葬玄堂祖妣之左先君諱天鐸字振之姿精敏
幼知嗜學諸弟出遊嬉獨把書不置既通大義先祖
以律學校之即能下筆條對明究情法日新然露頭
角衆謂能大其先業元光初溫國晉公自秦移鎮新
衛尚書李特立聞其才由州戶曹掾辟推行部令史
時上以御馬賜國公因曹取芻粟比內廐例先君曰

不可在閑則浴馬洗賜則公乘內廐之例容得同乎
公聞之曰王叔俊人以禮二年上黨公聞壁馬武虫
為河朔藩扞分羸兵四千人假食於昨適公儲亦無
幾方風雪寒沍衆待哺閭井間公府議以聞先君進
說曰張糾合義兵皆河北遺黎今飢若是不惟宜以
濟殆非從便副上官意也侍郎梁亨道為肯首然當
若行到今官義兩軍溫飽有日若以月給權輒半以
應彼急河南漕粟計不時亦至如此則客主兩不失
兩行臺可其請辱兵賴以安活自是大為省泰康瑋
郎中盧芝唐字良輔芝字建瑞二人另詳吏部所賞識曰會見驥足騰
驥一日千里也正大四年用元帥完顏公公諱訛以火
燥之薦拔所能試京師擢吏負甲首時年二十有

六方軍國多故財賦一仰都運司經度實樸才掾集
事即選充運司掾長先君夙夜公游刃餘裕都漕

李公芳

字執事號精政

二年同漕移刺吳和深加器重

受職初不知從來事覺吏逃失所在及科罪從事師

肅執以監主為罪首抵世英死先君爭之不下至詣

憲部詰辯曰原世英情本非同謀第行盜後受賊耳

擬法議罪与原謀共犯不同高止合坐職論且法者

固當公共師舍焉以即汝心是置法為虛器上官聽

之高竟減死論后懷金來謁先君怒斥去曰毋汚墨

我所爭者法非汝私也豐衍庫使劉濟

嘗從問季以訟代不審陷名紙三十萬用是進解先

君為申理復官如初五年補睦親府掾屬皇兄荆王

判府事愛其德度深加禮遇明年秋皇太后崩制袒

免親奔訃有遠逆之限違者從府科罪時有後期者

先君請曰南渡來宗室播弱宜從寬宥王然之以為

知禮園陵禮畢卒無有被劾者六年轉補戶部令史

時簿書財賦委積積紛至先君精力過人故務愈繁

在

先

先

先

先

先

先

先

先

先

先

先

先

先

先

先

還淇上尋

朝廷命斷事官耶律買奴公括諸道戶口柄用頗決
得人為急用薦者署行臺從事 制以籍為定互占
宅縣以死論有潞民馬醫常氏避役匿河內三帥家
事露 抵常以死意在籍沒州將且用聳動隣道先
君辯之曰常罪止於遁論死則非制書本意公怒曰
既有誤並汝坐之及復辯明常竟獲免又王鳳翔者
告崔帥立弟益侃匿金國珍寶適萬戶喊失納國
人受誅公抵益等以喊失罪罪之先君曰初謀
崔立今已死况罪不相及國有常憲公遂平反
益等至有國像奉報之語明年秋耶律公薨曰
南歸或勸為州縣曰一丘之木安足棲集

來辭於齋壁以見意因號思淵老人

尤謂春秋左氏傳西漢書晚年一洗心於

於華陰王先生名元禮天意進曰子學

汝問自首治少亂多君子寡小人衆何也

非天一而地二乾陽方始而陰已為之倍

子得之矣集歷代諸儒易說為一書題曰

遇朔例一占玩辭明變其應如響下至天

極等學皆通習之聞一異書輒自手錄多

卷友人劉冲曰何矻矻如是曰吾老矣為

歲戌戌詔試儒士時恩制寬或以乃嗣長可

試先君曰吾思以義方為訓若以幸竊非常

敢聞嘗誠憚忱曰吾已錯斷不容再寒殍死無

能一志於道以儒素起家吾歿則瞑目矣然學貴專
精汝不見鑑瑩則乃能別物學苟不精如治鑑不明
將安用為不學易昧涉世之道不讀麟經無以見筆
削之正吾平昔行已得乎此而已丁巳秋八月以疾
終牖下先君資訓明簡重善持論憲惠深雅以大用
自期人亦以此與之握瑜懷瑾群而不務事莫可措
手者率優為之不聲色少動故官守宦游莫不尊德
樂道問政實疑取決而去事已率如教至更筆縱橫
緣以儒術乃餘事耳又善尺牘作真行書勁韻有風
格與人交以取容阿匠為耻居家寡言笑以身為律
度人望而畏若一官府然外事緩急不一言及家人
非疾卧未嘗見日而作三十年丙易表褐年四十六

追來孝俾盛德幽光墜而後續豈君子之澤其流淵
且長乎

南郡王氏家傳

王氏皆王者之後春秋時王子成父者敗敵有功因
賜氏厥後子孫散落中國在晉者靈王太子後齊則
畢公高後其在陳留者齊王和之裔汲郡王氏其先
陳留陽武縣七圍里人起家壠畝耕稼河陂間宋靖
康初避地徙家衛汲縣長樂鄉之白楊里遠祖金天
會間積勞至杞縣尉高祖見弟五人二翁是為扈
王氏初妣父扈素長者聞高祖賢舍而甥焉生子男
五曰三翁四翁五翁十五翁十六翁人見其本支蕃
衍稱扈王氏以別因之蓋不忘本也三翁贊譜叙為

二代祖生二子曰元用資穎異是為憚高祖自田舍
郎改肆士業嘗語人曰終當以筆代耕衆異其言及
長補郡掾為人英特棟棟有成儀主治曹務彈勅角
厲風發明昌初節鎮叅佐例朝授用薦者言迂河平
軍都日官上官倚重有黑王殿直立節度之日奪得
暴疾卒魚行里舍時年三十有八人階其年不悔德
生經紀紳三子紀為決曹紳潛德不耀曾祖經字伯
常天稟孝愛垂髫已知事母容止如成人禮氣方嚴
內長厚喜施與志不樂祿仕雍容紳間以德度霽一
時見仲七人同居內外無間言以累葉不分家用饒
足其賑貧施之不檢為偏惠人有貧弗忍徵久不克
償輒折其券或來謝就復惠濟曰固急素所樂何謝

既奪先妣或勸再娶曰其如不可何老耆繼室又先
余死是轉余於恤少者後予是吾遺累於後竟不娶
初試京師時宿院夜夢人奉一首加冒曰持此若名
也及榜出擢甲首云歲丙辰秋憚亦夢人馳報曰汝
父頌朝拜且至趣出齋見先君朝服帝帽乘而乘簡
一卒跳梁馬首唱名翠微君節度使后三日先君遘
疾乃以所夢上白翠微者太虛之氣夫精氣為物遊
魂為變死生者晝夜之道吾固安之復何憂與明年
捐館吁亦異哉

先妣蘄氏相州永和鎮人進士子玄之孫安陽丞顯
思之女性淑善於婦道良謹生二子曰憚曰忱孫振
孫宜孫重孫韉即贊曰

謹按家譜傳

六代祖昆弟五人五代祖行一十三高祖行一十五
曾祖行一十九王父行一十四彌伯叔行六人由是
而觀金百年間本支不為微眇然自喪亂來或四三
世五六世而已者凡二十有四房矣哉唯扈王氏暨
相之醫傳房歷八世而傳祀是豈偶然者哉憚觀西
漢名臣往往決曹獄吏致位槐棘雖云明習文法練
達故實至論身名烜赫流裔延昌必曰陰積所致王
氏自
河平府君而下累葉以刀筆承家職司城旦迨先考
而業有光子孫迄綿綿於今視履考祥其亦有足致
然者邪

烈婦胡氏傳

劉平妻胡氏潁州潁海縣秦堊鄉田家子至元
平挈胡洎二子南戍棗陽垂至宿沙河岸次夜
有虎蹶然突來啞平左髀曳之而去胡即抽裝刀前
追可十許步及之徑刺虎剗腸而出斃焉趣呼夫猶
生曰可忍死去此若他虎復來奈何委裝車遂扶平
攜幼涉水而西黎明及季陽堡訴於戍長趙侯為求
藥之軍中聚觀哀平之不幸咤胡之勇烈也信宿平
以傷死趙移其事上聞得復役終身嘻胡柔懦者也
非不懼歟之殘酷正以援夫之氣激於衷而知有夫
不知有於菟也平雖死其志烈言言方之太山號婦
何壯毅哉贊曰

桓桓壯夫鷲勇而夫事出倉猝变色蜂虻烈烈胡氏
憤物為害義激柔衷氣薄於外視虎如鼠所天為大
平雖啞死婦節則邁媛折能衝蘊刃賦華彤管流徽
清芬並代

負先生傳

負次字善卿同州人性落魄嗜酒業詩有能聲不事
生產大元己亥歲故人楊紫陽主漕洛師憇其窶用
監嵩州酒時兵後邑居榛荒日與鹿豕伍非所樂也
己而隨所徵上謁楊方據按坐堂上吏覓雁行立負
挂布囊腋下杖巨杵直前曰楊使君不相知置我於
此發為老羸所嗟此汝酷錄持取吾不能為汝再辱
遂揖而去其疏誕如此自是長遊河朔以詩鳴諸公

間其洛陽懷古分韻得峻字云東雒打空城北邨連
廢闕懷古動悲吟遠客生華髮隆德宮云林花細妥
胭脂色水荇輕淤翡翠泥歌舞留連嫌晝短樓臺縹
緲覺天低燕集東平湖亭北海樽前人似玉東京城
下水如天滿眼荷花三百頃林蓮人語隔秋烟高唐
道中影孤海內干戈滿愁入天涯草樹低桑柘影空
蚕已老破塘涸盡燕無泥濟南金線宿雨乍收雲葉
斷猶疑電影掣湖心扇尾羊云馮翊春草香芊綿柔
毛食飽飲若泉卧沙稀助腹筋細帶霜小耳春繭圓
扇尾一方移種類風頭萬里搖腥膻吾生本無食肉
相不煩洗手愁烹煎馬鬃云謾說千杯不醉人清光
壓倒洞庭春携行何用紫絲絡渴飲不煩烏角巾搖

動華囊成醞釀封藏花盞作逡巡坐中一混華夷俗
或有豪吞似伯倫予時能憶者止此西歸過衛先君
館焉褐衣麻屨酒近酣巨挺橫膝上掉頭吟諷歌謠
慷慨之氣軒軼四座素不能騎乘人強之輒色變隋
地或以詩戲云孰有證青雖可愛面無人色寔堪怜
嘗懷金一餅曰鎮心不可以關此後用以易妻繼為
人竊去家居壁四立餘詩蒸酒瓢而已
復有撤斧字彥舉亦使人面黯慘目光
鬼物
憑者少為里嗇夫初不解文字一日忽能作詩吐奇
怪語皆古人所未經道雖苦無義意其豪侈
筆屬和終不能及中元冬見予於燕市酒樓
浮大白教行徑出步墟間嚶嚶然吻作露矧

未扼余腕忻甚曰吾有以贈子其詩有氣凌太華五
千仞詩繞國風三百篇之句醜酣中惜不全憶也嘗
謁得楮幣若干醉過里井即投其中曰為尔俾予區
區若此奚用為其狂易如是後客死保塞殯西南門
外路北若干步揭曰詩人撤某墓詩三卷号函谷道
人集好事者刊行於世

墓誌銘

金故忠顯校尉尚書戶部主事先考府君
墓誌銘

先府君諱天鐸字振之族王氏其先陳留郡陽武縣
七園里農家避靖康亂徙居衛汲縣長樂鄉遠祖有
積勞官杞縣尉者曾祖府君諱仲英特有威望終河

平軍節度府都目官祖經諱未仕天性孝愛鄉黨化其德顯考府君諱宇衛州刑曹孔目官精明文法表為吏學師官至教武校尉先君少聰敏嗜學不為羣兒嬉讀書通大義先祖授以律學即能下筆論斷推原情法閭閻如老成人衆謂父良為教子能世其家矣正大初自州戶曹辟權行部令史時哀宗以御馬賜行省英公因曹取芻粟欲內虜例同先君曰在閑則路馬既賜則公乘內駟之例非所敢知公聞之喜曰王掾愛人以德矣上黨公圍壁馬武京為河朔聲援以餽餉不繼聞羸卒四千假食於昨適公儲亦無部議以省聞方風雲寒洹梁待哺閭井間先君進說曰公府糾合兵力皆河北遺黎今飢若是不權宜以

濟殆非從便副上官意也侍郎梁亨道為肯首然當若何曰今官義兩軍溫飲有素若以月給權輟半以應彼急河南漕粟計不時至如此則客主兩不失所可其請辱成賴以安活自是為省泰康瑋即中盧芝所器識曰會見駿足騰驥一日千里也正大四年用元帥完顏公薦拔所能試京師擢吏自甲首時年廿有六方軍國多故經費一仰大農調度即選充運司案長時李乾州故安二年進士字純剛移刺吳和領漕計号精吏務先君夙夜盡公審會明當二公稱其能入作司吏以計盜官物使高世英受賍初不知所從來事覺吏跳失所在及科罪從事帥蕭執監主為首抵在英死先君爭之不下至詣憲部詰辯曰原世英情本

非同謀第行盜後受賕耳據法議罪與元謀共犯不
問高止合坐誑論且法者固當公共師舍焉以即汝
心是置法為虛器上官違之高竟減死論后懷金來
謁先君怒斥去曰毋污墨我兩爭者法非私汝也東
豐行使進士劉濬以訟代不審陷良紙三十萬是用
追解先君為伸理復官如初五年補睦親府掾屬皇
兄荆王判府事愛其德度深加禮遇明年秋皇太后
崩制袒免親奔仆有遠途限遠者從府科罪時有後
期者先君請曰南渡來宗室播弱宜從寬宥王然之
以為知體園陵禮畢卒無有被劾者六年轉補戶部
令史時簿書財賦委積滯紛至先君精力過人故務
愈繁志愈明氣愈厲事愈詳不煩書佐裁決如流於

是風動臺省有快吏元康之譽開興初用入粟補若
校戶部主事壬辰天興東狩京城下將士爭入侍掠
奪有令約束先君偕同志者突冒兵威禱救百餘口
於南薰門下既而北還御里乙未歲 朝廷遣斷事
官耶律公括諸道戶口柄用需決得人為急前省掾
李禎已佐幕府薦先君於公曰王某子弗及也遂署
行臺從事戶制以籍為定互占他縣者以死論有愛
民馬醫常氏避役匿河內王帥家紳紹事露公抵常
以死意在籍汝州將用聳動隣道先君辯之曰常罪
止於逋論死非制書本意公怒曰脫有誤並汝坐之
反復辨明常竟獲免明年秋買奴公薨雲中南歸讀
書養晦以厚所待或勸治生曰非予初心也勸仕州

郡曰壹丘之木安足棲集日以經史自娛尤嗜春秋
左氏傳西漢書其天文術數等學皆通習之年既加
一洗心於易嘗質問於王華子先生名元進人從華大有
所得一日先生發問曰自昔治少亂多君子人
衆何也先君曰豈非天一而地二乾陽方始而陰已
為之倍歟王華子曰予得之矣集歷代易說為一書
題曰王氏纂玄且見吾逝世無闕也歲戊戌詔試儒
士時恩制寬或以迺嗣長可從師取應先生曰以
為利非敢聞命嘗庭訓憚忱曰吾以錯斷不容
殫死無掾習能儒素起家其榮多矣然學貴
不見鑑鑒則乃能別物學苟不精如治繼不
用為不學易昧涉世之道不讀麟經無以見

正吾平昔行已得乎此而已年四十六既奪先妣或
勸之娶曰其如不可乎老者繼室又先予死是轉予
於恤少者後予是吾遺累於後竟不復娶

淵老人邢君游宦咸尊德樂道問政質疑無

已率如教丙辰春平章趙公瑩以書來聘時已

克往明年丁巳秋八月十有八日考終燔下享年

十有六官至忠顯校尉夫人靳氏相州永和人進

子玄之孫安陽丞顯思之次女貞靜淑善光備婦

生二子憚忱先卒用戊午春三月英汲縣親仁鄉

新任先妣祔焉先君資剛明簡密議論長慮惠深

以大用自期人亦以此與之握瑜懷瑾群而不矜

當官宰務人莫能措手者率優為之不聲色少動外

事緩急不一言及家人至於吏筆縱橫綠以儒術乃其末耳又善尺牘簡而盡書勁韻有風格作楷字曰滿萬聞一異書佔俸如不及多積至千餘卷友人劉冲見之曰何自苦如是先君曰素無長物非此無以遺子孫其遠大如此所交皆一時名士以取容阿諛為耻生平非疾病未嘗見日而作三十寒暑兩易裘褐居家寡言笑以身為律度人望而畏愛若一官府然嗚呼先君以刀筆起身垂聲當世於先業為光大惟其秉彝粹懿思欲克其所未至進進焉不容自己絕不齒故習一肆於學根極群經務明大本復旁通天人之術以濟厥用其修己應時開物成務之志是可涯際邠然時與命振壽止於斯不獲卓犖大見於

等聆風樹而含悽履霜露而興感抱昊穹明之氣也憶想平生鏤茲礦石庶幾慰安神靈永閔寔寔之藏銘曰

繫苞王氏世業

高曾而下掾習同

大風泱泱動南鄙

於燥先于德

一日奮起蛇化龍

樹立先業何光融

獄惟平反匪厥躬

要以明恕剛而中

廷平釋之唐有功

漢二千石世業公

剖裁錯節輸神鋒

庶幾凜凜德讓風

盧淵日入不可瞳

布衣歸來默而容

春秋大易羅心骨

跡縞於泥氣剛虹

冀北一顧凡馬空

道雖人弘繫其遘

維弗卒施為世嗣 兒能讀書充吾宗
白首孰計達與通 閉門蔬水甘長終
翠微之居窈以重 一債不起胡 凶
悠悠大鈞問無從 太行西峙泉流東
九原盤盤佳氣蔥 菟兮歸安北新宮

先妣夫人靳氏墓

先妣縣君姓靳氏相州安陽永和鎮人永和自唐歷
宋為名縣鴻儒鉅族代櫛比出靳氏其一也家故饒
財世以孝義著聞鄉里祖諱師楊字子玄舉進士
賦聲塲屋間 以恩賜第授彰德府教官金百
鄴丁論人文之選者殿元為稱首
外祖其季也為人儀觀秀偉髯滿

喜 馬 滿經犬游穢橫漳間有河朔故家豪習嘗

官安陽丞生二女先妣其次也 妣母通李氏今為流

王氏先祖時已歿祖母端性貞明持門戶益嚴先

妣孝養恭順故閨門內事僅絲屨比不敢專須請之

后行祖母以是賢之非大故未嘗踰外闕姻黨有以

合二姓會諸親者先妣與焉里中諸媪至顧而不知

為誰平居課兒輩讀書傍治絲枲酒夜分乃休樂聞

吾人母儀女誠及善惡興衰等事怡然有得至寤寐

思服旦起愛晴陰問或旱則清凜溢則霏陰輒愀然

不憚日歲功一失憂有大於 不然喜津津見顏

先妣性溫純慈祥居家 容儀無啞啞言笑

人物不恐少休內外 以厚平生不能易

物心慊慊惟恐我之 人也世方以服飾相高
羽耀閭閻甚者託燕游以私謁為事先妣聞而
之朝夕志女功主中饋被服在躬承祀孔時嘗以
事當出乃歸而不自安者移時其幽閑貞順之德蓋
可知矣歲戊申夏六月竟以憂勤致疾越明年己酉
秋七月廿九日化於私居之適寢壽四十有五先
君識明遠既失內助斷不復娶祖母倦 勤稍以內
事傳新婦推氏每取先妣婦道是訓因追悼曰汝知
醮王氏二十有五年有子有孫未嘗以王母自居夫
為婦禮勤已至矣不獲少慰劬勞而止於斯可勝痛
哉嗚呼天道悠悠報施善人果可必而恃邪故臨終
嗚呼哀哉天安憚可罪而至此極耶追念祖

母疇昔之言隱然侗於心故茹哀銜恤於茲八年
是伸荼毒慰下泉發幽光而圖不朽宜銘德莫若哀
號泣涕以畢其辭銘曰
坤柔之德婉以從健而幹蠱匪婦功伯姬之卒謚以
共淑 先妣柔所鍾主夫中饋成肅雖春秋承祀被
憧憧善人獲報天乃公嗚呼福壽不一遂歸咎無處
惆歎躬福祔無憾哀送終萬家之原偃斧封泉流可
竭恨不窮

故權左司都事趙君墓銘

君諱謙字和之世為益州人中統元祀用薦者言以
材幹補行臺左三房提控令史二年春考政上都與
予同遊居者數月用是情好日洽夏六月闔臺南還